

渭南文集卷第一

山陰陸游

綫裝書局

表

天申節賀表

任繼愈署簽



宋集珍本叢刊

第二十七册

四川大學古籍整理研究所 編

儒藏系列

宋集珍本叢刊

第二十七冊

任繼愈署簽



綏裝書局

中國·北京二〇〇四年

第二十七冊目錄

姑溪居士文集(續)	李之儀	一二七
姑溪居士後集		一二七
淮海集	宋紹熙重修乾道高郵軍學本	二二九
	秦觀	二二九
淮海後集		四一九
淮海居士長短句		四四八
淮海先生文集	清鈔本	四六一
	秦觀	四六一
淮海後集		六〇七
淮海長短句		六二八
樂靜先生李公文集	清道光四年東武劉氏味經書屋鈔本	六四一
	李昭玘	六四一
寶晉英光集	清初鈔本	七六五
	米芾	七六五

姑溪居士文集卷第十七

雜書

莊居阻雨鄰人以紙求書因而信筆

日近詔求遺書乃太平甚盛之舉本朝書最不備臣庶之家亦多苟簡不以爲事自昔隋兼南北兩朝經籍特富其所藏之地號嘉則殿其卷至三十七萬大業之亂存者無幾武德初纔有八萬卷又平王世充得嘉則舊書八千卷自黃河水運入京師至砥柱舟覆而亡開元中置使置院專治其事然著于錄者又減武德三分之一通一時學者自爲之書僅補其闕以甲乙丙丁分經史子集爲四庫安祿山之亂尺簡不存元載當國請以

姑溪居士文集

卷十七

宋集珍
本叢刊

千錢購一卷分遣使徧天下搜索稍稍全復遂增四庫爲十二庫一目爲四庫矣文宗尤所留意而十二庫方充滿復經廣明播遷迄于天復遷都乃蕩然無遺又更五代之亂臣庶之家救死不暇豈復以此自表見故本朝書籍逮今未振宋綬李淑二家號藏書亦不過一二萬卷而已殺家又爲火所盡其孫景年方展轉圖足未幾輒死豈其數耶抑有所待也

又

油筆紙工所用法乃澄心之緒餘也但其料或雜而吳人多參以竹筋故色下而韻微劣其如瑩滑受墨耐舒卷適人意處非一種今夏末涉秋多暴雨潮水大圩田

之水不能洩吾之野舍浸及外限戶內著屐乃可行會莊夫以收成告旣來復值雨寸步不能施終日臨几案忽忽無況雲破山出時時若相慰藉者解后鄰人出此紙見邀作字旣與素意相投凡數十番不覺寫徧安得能文詞者相與周旋旣爲之太息而又字畫不工似是此紙厄合所招也

又

東坡每屬詞研墨幾如糊方染筆又握筆近下而行之遲然未嘗停輟渙渙如流水逡巡盈紙或思未盡有續至十餘紙不已議者或以其喜濃墨行筆遲爲同異蓋不知諦思乃在其間也楊文公與人對弈飲酒次人或

姑溪居士文集

卷十七

宋集珍
本叢刊

以文爲請即以方角小紙蠅頭細字遲筆如飛而與飲弈不相妨其詞又皆實以前世事對偶精密引據審確所命意燦然如掌握中而利害明白不容有所增損二公皆一時異人固未易優劣要之東坡之濃與遲出于習熟而文公之小紙細字亦非有所必也故知熟則生之生則熟之貴乎無所滯閼爾至其飲弈相參而各能辦則東坡不善飲(弈)一小杯則竟醉睡或舛亦未嘗放筆旣覺讀其所屬詞有應東而西者必曰錯也但更易數字因其西而終之初不辨其當如是也

書趙鳳事

劉知幾吳兢撰武后實錄書張易之昌宗誣魏元忠子

齊私謁廬陵王事嘗邀張說爲證而說已許諾賴宋璟力止之說得冒以爲忠後說當國讀之而內自屈嘗語兢曰劉子元敘此事太不假借兢曰子元已死不可受誣于地下此事實兢所書其稿故在說後屢祈刊削而兢終不許世皆以爲今日之董狐也至趙鳳爲莊宗實錄乃將何挺論劉胸疏不載胸既相遂引鳳其政事去古寢遠所謂董狐者果何人哉

書牛李事

長慶初錢徽典貢舉李宗閔以所親託之李德裕李紳元稹在翰林密啟其事宗閔坐貶嫌隙自此遂結至太和宗閔爲宰相會德裕召爲兵部侍郎宗閔協牛僧

姑溪居士文集

卷十七

三

宋集珍
本叢刊

儒併力擠之并罷裴度政事而僧儒尤力朋黨至牢不可破侵尋四十餘年縉紳之禍不能解乃有牛李之號武宗立專任德裕而爲一時名相唐祚幾至中興力去朋黨卒爲白敏中令狐綯所中傷豈無心始可立事而有心則訖不能濟使德裕不以前日爲念而一心所事唐祚固未艾也

書楊相事

楊綯少孤貧獨處一室左右圖書凝塵滿席泊如也雅不好名有所論著未嘗示人後爲相時郭子儀再造唐室勳德方盛特爲之裁損騎從以避其高名清節名者實之賓也招之不來麀之不去豈在汲汲自炫嚮以沽

之耶內不足者急于人知詎不諒哉是等人也尙何足云聊以知有其實而名自至有之已非是況無而自爲有者乎

書劉元平事

唐霍王元軌太子與處士劉元平爲布衣交或問王所長于元平答曰無長問者不解元平日人有所短乃見其長君王無所不備吾何以稱之人不見其長則爲全人矣蓋其質既美則動容周旋莫不如是譬之嘉木本立則枝條根節大小短長皆中規矩繩墨見者一一知其爲可用也已何擇焉

書柳材筆

姑溪居士文集

卷十七

四

宋集珍
本叢刊

元祐中錢塘倪本敦復通守當塗一日抵書相問勞藉以十筆其籤云河東柳材子時方學書得筆試之頗相入是後訪柳不可得而念亦不少輟異時子得罪流是邦既到首幸自償所念而材乃歷陽人死已久矣爲之悵然久之過少廣書室得柳東所藝宛轉抑揚二十年之負恍然見慰問之蓋材族人于是知典刑淵源不無所自來也但子老矣字畫日退良有愧于嚙昔臨紙一歎

又試筆

手和筆調作字乃佳迫促取能未見其可前人任爲一事蓋嘗終身踐蹈悲歡窮通未始不在也退之序高閑

謂儻之于九秋之于奔詎不諒哉雖曰一技要須如是方盡僕知而不能行故曰首如逆風駕船進寸退尺不圖誤有見索每臨紙必爲見奪況手未和筆未調又迫促勉強耶似是此紙逢厄會定將覆醬甑矣可勝感歎

書陳格石刻

予少時客廬山見諸刻石字皆有精神退而求其真蹟率不追也乃知模勒之妙有以假借致然是後每作字必歎息不得其人相與表發比過金陵所見如廬山時至其畫筆則又過之追詰其所自蓋南康人陳姓名格從事于此十二世矣予固知他人必不能至是以信予平日一見爲不可易也凡技之善如庖丁解牛輪人

姑溪居士文集

卷十七

五

宋集珍
本叢刊

斷輪直以神遇而不以力會然後爲得況十二世傳習之久耶彼微幸于一旦之遇者雖資藉展轉豈得不自愧哉

戲楊元發

楚令尹子西將死家老請立于玉爲之後子玉直視則則于是遂定昭奚恤過宋有饋餼肩者昭奚恤阿阿以謝爾後阿阿則則更爲歎息聲嘗究其所自乃得于此元發偶有所系念蒼黃失據屢詰之輒阿阿則則聲固知元發非二人者不知其聲從何而致請知者注出

偶書

俊傑廉悍雅健雄深蓋嘗見其人矣既獨立于千仞之

上則下視萬物如在掌握閒足一跌遂致于訖死不復振故曰知所愛則知所養也不有其養則無異自臥于地以望百尺樓上其免于物役固難矣所謂俊傑廉悍雅健雄深者尚何足云纔一聞耳而相反如是所以擇術不可不謹也

贈人

丙戌正月九日過彥國明窗稍理蘊火取煖焚香烹茶翛然相向欲歸而德威遽至復坐笑語徐視几上散帙得老杜詩五代史廬陵歐公集宋文選不覺駭愕輒謂彥國曰子之膽過身矣已而抵掌相顧曰膽未足大始我學屠龍爲有罪姑溪老人

姑溪居士文集

卷十七

六

宋集珍
本叢刊

書劉九思建茶硯屏

番陽鍾弱翁少有出塵意中間輒崢嶸戎馬間以功名互表裏晚乃致位通顯然無妻妾所與俱者機一族子似已不自得于半塗之失矣故每于世外人必從容展盡若相氣類者上饒劉思道以術名于世嘗得其建茶硯屏云昔嘗相遇于京師臨分以之爲別其義不可忘也遂命工成就之予方有所適思道冒大江特見訪于歷陽出以相示因以記其所自來亦以尋吾弱翁之舊也
崇寧五年九月十二日

姑溪居士文集卷第十七 壬申上元日校

姑溪居士文集卷十八

手簡

與蘇黃門子由

久不獲修記師門雖在窮途然竊借餘光不忘自振惟是耳目枯求一毫髮洗濯增新無復可得以故系詠拳拳不忘鑒寐秋聲江上猶有暑氣不審燕居卻掃尊體動止何以恭惟神聽冥符日有勝趣萬事既不復經意則御風息氣遂與造物者游矣不腆一介尚冀投老餘息猶及款待不勝係吝之私更祈加愛

與龔深之

瞻望門牆僅隔一水然聲問不乏而歲時殷勤所當展

姑溪居士文集 卷十八

宋集珍本叢刊

盡于師仰者不應疏簡如是臨分雖不敢輒齟齬其馳情縈繞不得為無憾也春候已深日來尊體動止何以老境流落不圖遽遭此酷永日如夢寐中夜閒則申旦目不得交力量不充固深自愧惟是四十年艱苦相依平時家事取給已不易堪而有一急難則委曲經營不遺餘力情則夫婦義則朋友既使之到此地終不得同歸念念祇欲下見蒙眷深厚未能執手號訴臨紙哽塞不次

與蔡寬夫即寬夫

不奉教晦已復累月懷詠重眷朝夕以之早夏清潤恭惟尊體萬福于是遷徙已得所說亟圖躬問動止屬乍

到不無應接之冗用輒踴躍尙幸少休獲踐鄙志瞻望門第可量依仰

又

衰晚無堪實門下舊物永懷先公悖養之素與夫高誼延挹之勤每以身生朝露不能少見毫髮爲念異時東坡老人則曰拱把必可以至于文步驟方習定能萬里者于左右常一二數流落遐遠勢地日光明一見豈復可得不可圖總緒速投挽引雖未畏從容景暮所期然欣幸之深未易展敘也臨筆耿耿

又

比到采石遽聞已過城中輒投先書具道欣懌持書人

姑溪居士文集 卷十八

宋集珍本叢刊

回方審所得之妄已而又傳遂同何明道徑過金陵矣悵然不知其況久之乃承尙留湖陰頗得求田之適即欲修謝不謂汨沒竟爾淹晚初以此地或可少延竊祿之頃褊陋易得以乘加之宿喙猶逞詎可一日苟安耶雖墳墓所寄亦將營葺就緒再理舊轍萬一舍館定庶獲忝隨杖履之後也他俟躬致

又

不腆之役已滿任前期輒再請猶未報可遲暮竊祿顧顏何控然貪緣覲幸粗寬待哺者之責爾召用未閒尙兼周旋勝踐之餘連蹇不類定應果慰此志否向風增吝

與吳朝奉

前日郊外拜別後二日有傳舟人未解者比再出城已不及見相仍幼稚多病未卜行李所之早失修記可勝愧仰計程當已定館乍脫塵垢利害之役而有溪山鄰里之歡想劇慰懷不爲加損固非待晚生縷縷之獻慰者竟不免西行冒暑就陸其味可知俟至關中時得通問次

與叔倫提舉朝奉

久不親承義問欲致一書或復不果所以系詠之深固不如是也比承終制還朝稍幸班者獲奉餘晤進聞舍館所寓時得通記不謂前日方遂邂逅斯須仰奉教益開浣亦多矣已而得家問伯母下世哀苦累日不勝見在式假早來出就諸兄議成服歸得墜刺乃辱臨屈謹諭重意且失迎展感激復深愧恨向晚尊履何似無緣造謁尚冀促膝庸致久別之懷臨紙不任眷眷

與宋榮州

伏審顯膺寵數榮進崇資叨顧有來問報增忭伏恨阻遠不遑陪下客以相先竊借光明但能知盛事之難值謹具狀賀

又

久不獲嗣音門下每于思道書中得聞動靜疏遠且復廢棄之餘色色生理幾何其能自控也不審一顧之舊

姑溪居士文集

卷十八

三

宋集珍
本叢刊

尚且記錄已否初暄蒸惟日來台候萬福新恩之寵非才望有以稱之豈能至是無緣從賓客之後而又得之已晚比復當前而反茲踴躍倦倦倍深愧負想像一時歡豔可量引詠

又

喬松巨柏非高峯絕壁未易爲託以所託之如是宜其干雲霄直上而未已也又況日聞所未聞日見所未見其資精宜何如哉非肺腑惟義慰有自來豈能至此更期際遇終契超特欽欽

又

晉卿家必常往還兄弟想皆顯達矣聞有尚主者得非宅相乎別當修慶次因會敘爲奇聲平時班班一見之而未嘗接語料亦不復記省但寶坊一坏土未易忘懷也臨紙哽情

與俞叔通教授

暑中不審旅舍何似瞻企盛義無從請叩區區可知高文聳動榮觀然未敢廣傳朝入區幕徧天下矣何時再幸言病茶修布疏略

又

寒色伏惟尊候清勝眷聚無恙至節日阻陪下爲壽可量傾禱不肖職事粗爾乍到冗瑣病茶不佳每愧誨言馳情不已早晚西來奉有道君子引企旦旦不知其

姑溪居士文集

卷十八

四

宋集珍
本叢刊

勞耳盛寒珍重時貺玉音

又

前日連獲手教并盛文二篇。曠黑索燭未及恍如在日
園中矣。既而研味高致。非特如僕命騷人不知三代以
來作者。尚可分路揚鑣。已否神遊不遠。竦然數日。脾氣
作憤憤如醉人。無緣款曲承誨。以悉別後牢結。可知舟
從定在何日。敢行毒熱。賒伏不易處。吾生不如意事十
常八九。每于左右。眷眷尚覲新春。東去再尋杖履之適。
自餘不惜音驛交馳。惟君子勉強于我也。千萬垂亮。

又

近附遞修記。當浼左右兩日。連捧賜教。爛然禮意兼幅。

姑溪居士文集

卷十八

五

宋集珍
本叢刊

不能盡略其愚陋。尋繹所況。浩乎若決天漢之瀦。而注
之廣漠之野。難堪。眷遇重爲愧戴。伏惟待敵里中德況。
佳裕。眷聚。靈勝。昔麗士元爲南州士人之冠。以世論之。
則兵戈之際。與夫一道德同風俗。蓋今日之盛也。吾不
知賢士大夫能相先高明以掠士元之美否。區區願親
之誠。非尺書可道。指日以俟言款。

又

伏家不鄙。孤陋過示盛文。大編衍溢。眩然雖前日蹈海。
未能若此文章久不到此。惜乎。先帝不與見也。然神遊
不遠。固當有享。輒已傳錄。願少寬假。數日偶誦一二。對
于同舍中徵索者紛紛。日不自給。壞俸偉麗。一至于此。

尤剽賞慕

與吳給事

違去門下。遽涉改歲。詠德懷眷。尤甚平昔。氣候未定。不
審台候起居。何似衰晚。一介雖託。敝帚之末。而從容敦
篤。尚懷素志。其如傾倒絕世之蘊。欽慕出處之正。蓋尙
爲左右頌之矣。庶幾鋒車未命。猶及旦暮之款。

又

早以山陽舊墳。稍低下。不免雨甚。水不能洩。河漲。凌注
念欲遷者久之。于是得卜適介盛德。臨附一方。與夫當
塗令公。部屬之便。固知仁人周恤。必以是爲急難。而赴
之必克。然常情所期。近在咫尺。隨事應見而已。不圖光

姑溪居士文集

卷十八

六

宋集珍
本叢刊

明俯暨委曲。是同而令公不遺餘力。恐已事未必能爾。
輒悉畢舉。上下翕然。景隨存歿。仰佩未知。所以爲報。雖
已躬致其勤。如是此念何時可忘。系詠之深。責具申展。

又

急足迴倉猝。具書當獲。塵泥稍不果。嗣音推重在先。引
詠舊眷。不忘傾屬。早春不審起居。何似久爲人物所先。
加之有勞。簡在淵密。豈外計可以遲回者。流落倦途。尙
期擊節。迅除少慰。向慕爾。邇風耿耿。

又

罪廢沈溺。無復舉頭之望。解后舊遊。仍值提按之始。恍
如斷夢。感慰可知。歸來幸畢葬事。然望德門。自是愈遠。

矣興言所盛倍深依邑胡族淪落間振拂不惜力是亦
仁厚所期要之于時猶不可及也的便中卒爾馳附瞻
望弭節仰冀善衛

又

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

又

姑溪居士文集

卷十八

七

宋集珍
本叢刊

分向柔毛何以克當但恐餽德之餘藏神見夢羊蹴疏
耳某物若干謾實回願非敢爲報也餘遲旦夕面謝

壬申正月二十五日補板

姑溪居士文集卷第十八

謝書

前以少尉門下請歸鄉人雖小官而猶士氣所
世多慕之而置不南軍市之式今有公之由
則曰其志也則曰其志也則曰其志也則曰其志也
自承丁母喪失保訓更對太夫人含香燕以未時其

又

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

姑溪居士文集

卷十八

七

宋集珍
本叢刊

謝書

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

謝書

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

前日獲侍樽俎新築落成瑞應表發仰佩不遺與觀成
美感激不在言也低回里巷雖側聞盛事而衰遲不振
愧無以形容蕪陋之語以致一時之遇過蒙延挹置其
不逮而曲與之進敢不矜勉以奉勤春持斧殷門固已
非據而老筆在前姑投一笑之地而遂覆醬瓿乃出望
外矣適在墳山不果躬致饌懇仰冀深照

姑溪居士文集卷第十九

手簡

與何給事

某爲公家客久矣雍容談笑雖粗領風味獨未得于利害之途盤旋多事之際心固疑之而誠或未盡傾向也于是炳然乃知所疑爲自失蓋德度之接無不主于至誠而加惠衰蹇_遇出常矩古人謂感愧則有之知己則未也不虞一旦兼獲蒙被而其自失者愈知爲可愧矣霜候甚寒恭惟台候起居萬福方遠參近更期以時保練卽慶遷擢

又

姑溪居士文集

卷十九

一

宋集珍
本叢刊

此來不謂已晚汲汲所役僅能襄事故早時所願得于參承之日三分不及其一末路何堪廢于此念或不見負今一爾耳則其他可知不審高明亦知梗槩否浮雲去來星日固在殊命之慶定在新正不妨微早惟緒自收未去之日爲邦人不可及之思也獨不果竟投勝韻執筆倦倦

又

稍不獲瞻近懷詠高明尤甚平日冬候浸寒恭惟起居佳勝衰晚待盡而已既遂參承之願則其諸一付度外尙幸再約趨風以竟款叩爾屬心門牆筆下何可見也

與楚守賈朝奉

託姻疇昔常謂淪落異地無復參承之幸遲暮何堪遠在末軌欣佩固已不貲而歲晚相求可量欽系江上苦寒履況當復何似借地爲客咫尺卽在要巔尙稽展晤倍劇傾馳

又

日者馳控特未卜見錄已否書來惇敘流渥豈勝愧哉里中人情易撥風物飲食粗如人意伏計坐嘯之餘居有多樂老境何日復從井上出週庶幾政績超騰徑躋華近而缺貲之閒擊節爲應也

與金馬部

中玉

願覲周久亢路低回無階自達而復不當行李之便留

姑溪居士文集

卷十九

二

宋集珍
本叢刊

連鄙念蓋不待說而後知也于是遂有參承之幸則疇昔溷鬱殆將一洗無餘矣求之異時端若有數霜候早寒榮戟閒闕近來不審尊體動止何似見上應恨相見之晚斯民懷慕非一朝夕不妨就陞顯職暫爲一方之福雍容少日徑席華近以協僉言也區區尤劇欣跂

又

自承命下累次屬邸吏候大旆所舍皆報以未得其詳繼間已赴汝陰卽分走介修廢就聞起居尋獲邸申方知遂席新渥猶未諭取道之方今日覲公移乃知由亳宿以赴國門竊計朝晚入覲徐卜所向區區上記淹遲庶在矜憫

又

陝右古郡風物飲食皆可人意雖曰道御賓客多自城外往來可想及者有數固左右即可之地而偃落之勝似亦少能過之者筆吏已遣接人并什物供帳等一一如旨誨謹已嚴備爲待矣州宅深靚老木頤頤相錯北顧大河天下之絕觀也不妨暫快登覽之適遂還寵要在人實爲兼盡他有所戒敬服來命

又

日者得酒檄至長安既到而諸公皆並遯矣遽承此委欲訴以免不可得且不謂住此許久方其往尚有殘暑凡禦冬之具皆不隨此已盛寒營葺不及甚以爲懷大姑溪居士文集 卷十九 宋集珍本叢刊 三
施之來非特邦人聳跋而愚者參承爲至幸遂獲早歸自是私分上一不易得之事伏望稍促行軒不勝朝夕引誦

又

此距京西才數十里界候最爲淺促凡事鄰邑不相關如大旆果欲少慰斯民之望敢期出郡之日豫戒邸吏或隨行人急走一報州郡迎候自有常數不宜使之失備且不及也皇恐

又

門下貴眷伏惟萬福今必同行矣東玉金玉想不轉通問二舍各計安勝近皆相會已否容另附承動靜

又

近專遣人至京師上記竊計塵泥瞻望來旆我勞如何適得報審將叩境上方此盛寒尊履佳勝諸懷非侍坐不展邇風眷眷

又

承大旆已過國門日與斯民跂望玉趾淹回敬問蓋不豫知遠近皇恐不能堪亦望有以見亮苦寒伏惟步履之餘尊候萬福諸所欲言略具前記要非促膝不展前驅在我眉睫間矣欣慰詎可名哉

又

方欲修問專介遽被翰墨存拊愈厚感佩無已牙兵衛從州郡常禮但愧遣行差緩爾或尙款用當以見告應叩更仁委報

又

運去門下忽行投之拘不時上記亦意有以察其過而懷詠眷存當在依邑臘寒比日不審尊候起居何似高明豈今日持節明日擁旄者從容上前極口論天下事使在廷聳然有疑得質遂皆信悉以席華近以慰一時傾想而久未我契者願豈遠哉修慶細釋執筆敬咨

又

鄙拙早不如人蕭颯異時詎敢覬幸于知遇然往來伯仲閒亦久矣其如解后綵衣之餘猶記彷彿而契義自

求又將輾轉蒙冒迄未可得悵然此懷每懼終失孰謂一見欣然遂叨資藉延挹之盛以所獲于動容周旋而遺靈假寵之如此茲豈平平可見其盛遇耶至于樽俎豐隆祖帳華茂傾一意于俯格而至巷無居人則翦焉弗類其將何以爲對歲晚致效幸或有得向風耿耿

又

迂拙背馳自干吏議到蒲聞罷黜尋欲泊家一面赴調于法須候交代不免遲遲西來所至親舊留連又繼得漕檄俾往長安凡四十日方到故復淹滯送還人不免有妨差使恐懷無已不審雅眷能復矜照否然路中雖苦寒顧恤亦備盡走失才數人耳代者在蜀中杳不聞耗勢當春初或得就道此中與比近有幹委事敢幸不

姑溪居士文集

卷十九

五

宋集珍
本叢刊

又

陝原僚友多佳士水鏡固不能逃其如春首有將替及垂成者不得不仰國門下敢望留念吳節推真實有守敏而能文以其直實故世少知音司理董君介廉強果事多賴之二人乃將替者其他尙可有待于異日僭易展轉皇恐皇恐

又

違去麾戟遽復踰時歸計既爾踴躍又軍事擁來意況實極惡有愧于牽蒼書問不繼果信其如是哉春候浸

暄伏惟靜鎮之餘尊候動止萬福陳力四方使節少休便當闊步華近尙爾低回是豈在我有不及耶天人未始相遠卽慶哀異別對殊渥

又

願親固有日既幸資藉乃不得爲從容計退訟歉然每自日下來者皆能道經由瞻見比日起居之詳輒用爲慰區區代者不到四月中定獲參展未聞更祈善衛

又

蒙約意亦恩惠每闔明窗輒火清坐相向閒作無我語以披氛翳之結定將早晚可遂也陝服號當路然事絕簡應接亦稀少向上工夫能不退轉否

姑溪居士文集

卷十九

六

宋集珍
本叢刊

又

昨日侍坐不甚款晚熱猶可畏勢難稍久然所得于盛義亦多矣清晨恭惟尊履佳勝時序恩惠曝衣乞巧遽見節物豈老境歲月易得然耶可喜亦可歎也早晚再圖展近

與蕭季文知錄

比承當路或不相容不敢仰叩所自此者遂知朝論取直公理終不能屈果有是證君子不苟避就又復時評在已耶然則超然遠舉似有無足猶豫要之待其至而後動無自皎皎或取愧于從容也仰投氣類輒爾借澆當塗風物自可領略果不屑其陋則早暮周旋私幸一

何多耶襄陽固不惡蓋聞條論故利害因得自營不勝翹跂小兒官期未決亦欲月終遣行雖託庇不久要亦資藉契好尤重攀緣之澤也偶作十餘書不暇謹悉別圖申敘次

與彭丞

久不獲申致門下爲力有限而所應不一忽忽易成枉再馳情眷舊未易咫尺可論也逼歲到家首辱流問所以不相忘之義尤見惇篤時序推遷恭審廬次支勝瞻望一水未果躬敘其殷懃之深尙冀併得展盡向風罔然

與孫知縣希賢

姑溪居士文集

卷十九

七

宋集珍
本叢刊

既不入城無緣贈謁來者頗能道見恤之語感愧無喻秋爽伏惟動履清勝旦夕遂歸系望軒屏倍深依向被召北行庶幾迎謁

壬申正月二十五日補校

姑溪居士文集卷第十九

勝翹跂小兒官期未決亦欲月終遣行雖託庇不久要亦資藉契好尤重攀緣之澤也偶作十餘書不暇謹悉別圖申敘次

與彭丞

久不獲申致門下爲力有限而所應不一忽忽易成枉再馳情眷舊未易咫尺可論也逼歲到家首辱流問所以不相忘之義尤見惇篤時序推遷恭審廬次支勝瞻望一水未果躬敘其殷懃之深尙冀併得展盡向風罔然

與孫知縣希賢

姑溪居士文集

卷二十

三

宋集珍
本叢刊

既不入城無緣贈謁來者頗能道見恤之語感愧無喻秋爽伏惟動履清勝旦夕遂歸系望軒屏倍深依向被召北行庶幾迎謁

與彭丞

久不獲申致門下爲力有限而所應不一忽忽易成枉再馳情眷舊未易咫尺可論也逼歲到家首辱流問所以不相忘之義尤見惇篤時序推遷恭審廬次支勝瞻望一水未果躬敘其殷懃之深尙冀併得展盡向風罔然

姑溪居士文集卷第二十

手簡

上宰執

罪廢苟生屏息窮遠瞻望門仞如在雲外固不當輒修記室之間然恩出一旦義均存歿是豈平平所得而擬議者雖分同腐草其如餘息未殄則其情可容自己耶庶幾獨憫特賜省錄是身幾何顧不足以報效期于結草則猶未離乎類也竊謂隨所愛生世念常在一語儻誣天實臨之引詠恩施形留神往

又

非意之酷莫此爲甚儻非姓名猶在記錄則安能遽有

姑溪居士文集

卷二十

宋集珍
本叢刊

茲幸恩旨既臨舉家慟絕以所遇之如是則其感激銘鏤不待形容而後可諒雨露不私于草木而草木蒙被自有淺深自非力回造化未易有此服天地之仁佩鈞陶之錫雖多言不過于此其惓惓所系惟自信其無有窮盡也

又

壬午歲間被召自潁昌亟來獲見于園門外舟中蒙問勢甚渥矜惻相仍未幾自以罪去流落江上十五六年方其來時一妻一女子與其婦一孫并身而六相繼哭之愈一身獨在晚才有此兒實相與爲命而交造者知其如是遂用以快意果得其實固非所辭而乃繫風捕

影巧爲訟端一墮橫逆又復五年不惟父子生離而特以官年六十有八豫記當敘之年則已七十遂當致仕祿食不繼固非所恤遂將自此以至屬續終不能脫于罪籍矣欽承至恩大德天地有盡而此則無盡使瞑目得爲全人捨恩地尙何望哉向風不覺酸鼻

又

暑候滋熾恭惟雍容陟降鈞履萬福某衰晚一介于世不異疣贅流落既久不自知其生理可乘而日期朝露之奄先每念獲齒門牆雖未得從眾人之後承顏接詞周旋盛德之遇然所得所蒙固已如萬鈞之重常在負荷而若不能勝端所謂子在回何敢死尙以是僣倪而

姑溪居士文集

卷二十

宋集珍
本叢刊

苟在也隙馳往再忽忽踰年霄壤變絕其交則氣與識爾蓋無時不在光明中亦閒容僭易輒通記室之問其如破甑敝帚不以廢毀而若有眷眷不忍終棄之意佩數之深尤覺未即仰承旦暮爲可恨于是義益高矣情益厚矣瞻望恩席翼翼不暫捨于眉睫間咫尺將自慰其繾綣且覲束胸以見從而敘謝則方且圖之邇風倍劇向往

又

比者伏蒙上恩特還恩息遂永祭祀之繼祇奉悅伏揮涕不知其已闔門悲感眞若再生九原不昧銜結可知傳聞里巷一口嗟惻流布所及莫不聳動具承天地之

德不閒幽側至深至厚而螻蟻微生草芥賤類甄爾叨蒙果有是事耶夢寐間也嘗言此義儒非極竭展盡詎能至于是哉訪古則或有之于時實未之見瞻詠門下恨無羽翰可借而縮地之無術凡屬枯株但驚根葉頓有敷榮之向亟將自效于躬致一言之薦而未得爾臨紙頃啞筆不得下者久之

又

自罹非橫五年于茲雖愚昧或致分同腐草而家世之傳無斯須少忘困伏井底惟飲恨忍死期于尺素之得伸而有再瞻天日之幸然而捨門下其將何地可控耶早日得報備載生成之意出于特達故缺贅閒覓覓不知自己夜以繼日尤如在沸鼎中前月又得報知德意已微而天日遂將矣目窮心匱閱月而方得之于未得聞其情可知既得之則其情又可知也姑急馳此介畧布其端餘俟遲遲申展次

又

人與己雖父子之戚矣有時而不能同地與勢若風雲之會矣有時而不可合何則人各有所見而事亦有所礙父子可同也乃或號泣而隨之風雲必合也亦有去來而相背況君臣朋友之際哉以是爲不易必又以甚賤至微未嘗接眉目通語言遂蒙忘其不同與相背而一語之發如石投水遂使挾山超海不爲之難而枯木

姑溪居士文集

卷二十

三

宋集珍
本叢刊

寒灰果至于再作理固莫窮而世亦莫之遇也今日之事是已蒙被已還惟自嗟駭不報之恩百身何據然上雖不期報下其得而已耶百身有盡而志則無盡神理其遠哉

又

竊伏草莽十五年矣殆若根蒂連結毫髮不容相遠自冒齒錄卽有請見親依之誠初不謂踳躓至今已而不臞之所懇惻或與之展轉資藉上投拯援既荷憫恤三年茲遂欲申其素志心往形留以日爲歲尙爾差池竟至不離尺寸而坐受天賜雖高明照徹其形跡之閒可得不愧不怍已否止候措置目前猥瑣坐圖操帶平

姑溪居士文集

卷二十

四

宋集珍
本叢刊

又

陽之門矣仰冀重德厚恩終始矜察
久欲一望見門牆而淪廢孤外猶未得爲全人故踳躓未果自達老日益迫一旦奄先朝露則齎恨九原而自絕于一代人物也既付與遭遇之如是而不畀之以早其造物者果有意耶抑無意耶雖誦其詩讀其書不失于心期亦非得已而然爾幸同聖日可使有憾于異時乎溯詠之深罔然如失

又

竊伏榛莽瞻望門牆如隔霄壤然聖日光明同在一照臨而系懷覆盆之下私淑爲深尙稽參展伏覲上體眷

注倍崇重

又

恭審蔽自上心圖用轉器遂膺制拜迎愛旌旄中外惟
忤一口翁如是乃儲養有素理自應爾無階進陪賓客
之後延誅高牙倍馳丹悃

又

禮成樂作德化日新黼黻聲名幅湊遠近權衡所倚則
端蔓苦腴各得其適真所謂粲然如繁星而麗天而舍
次之辨舍五行何分斯人望而畏者實仰盛德何日親
被提振向風罔然

又

姑溪居士文集

卷二十

五

宋集珍
本叢刊

近者輒以專介上浼記室蕞爾蟻蟻之誠諒獲塵控春
陽不期于私而得蒙被之歸實均纖草疏外鄙樸不知
恭事之容但獻芹炙背知其愛而不知其有犯更在矜
恤有以諒之

又

司勳張大亨舊學曾子固爲文章整潔有程度而不妄
形容蓋一時之秀也頗聞收采學者之幸

又

繼有所介冒塵記室特以未遂參承心如欲墜雖可謂
激切然勢莫之應恩地常在眉睫閒定將何日獲瞻望
忽忽初暑日來緝熙羽翼益被親信天人所符台候動

止萬福造物既有以鍾之其必有以成之一代光明何
啻六五帝而四三王也所以周旋至是者復何人哉草
隨風靡不自知一介疏外之有閒執筆耿耿

又

伏承討論之暇儲慰前日翰墨遊戲之蹟流傳所先想
已充物緘襲而近時所期如眉陽老人龍眠宗子固非
俗格而似亦不易得者輒意列鼎之飫不能無淵沼之
毛山林之茁投閒而進舊有老人戲墨六扇一硯屏所
寄所錄詩兩軸龍眠所畫松上道人一軸御馬粉本一
軸乃盡所有而得于散失之餘者舉以投賞鑒蓋平日
與二人稍款玩于朝夕不知爲可貴隨得隨失不能保

姑溪居士文集

卷二十

六

宋集珍
本叢刊

回視既往遂覺不能多取而謹藏之深可憾者別有家
傳吳生畫天王一軸此則開卷便可知上乘恩遇殆以
先祖得之迄今百有餘年甫爲茲日爾借易塵控諒矜
賜察

又

竊謂既爲門下士則于門下種種不應有閒方先公啟
手足以至奉窀穸皆不得自效于取人之後哀挽挽所
又相後時銜恨抱慙無以爲控乃僭易狂斐有託于記
室不虞委眷逾厚過形謙謝伏讀愧畏莫知所容又復
一時迫于修附不果親寫雖情文未至鉅錙而私懷不
能無所負謹繕寫上呈伏冀恩私特垂矜亮